

Exitoso presentacion linguistico haci pa Ramon Todd Danderé na Cas di Aruba



DEN HAAG – Recientemente a tuma luga na Cas di Aruba, un exitoso presentacion linguistico di sr. Ramon Todd Danderé, titula “Den kibra di marduga. Aurora di un lenga crioyo Papiamento.

Den cuadro di e aña actual proclama pa Gobierno di Aruba como “Aña di Papiamento”, a organisa e encuentro special

aki den “Sala Padu” na Cas di Aruba, unda cu e tantísimo invitadonan por a scucha e charla interesante aki, relaciona cu e prome referencianan na e idioma di Papiamento. Minister Plenipotenciario sr. Edwin Abath a yama tur invitado bon bini y tabata tin palabra di gratitud pa sr. Danderé pa e inmenso trabao cu e ta desplega den haci investigaci-

onnan y promove nos idioma Papiamento, tanto na Aruba como den exterior. Durante su presentacion sr. Danderé a trece dilanti na e publico presente cu tin documentonan na Papiamento cu ta data di Siglo 18. E presentacion tabata uno hopi interactivo, unda cu esnan presenta por a haci diferente pregunta y intercambia di idea relaciona cu e tema

aki. E presentacion di sr. Ramon Todd Danderé a conta cu presencia di diferente persona activo riba tereno literario, tanto na Hulanda, como na Aruba.

Bou di e invitadonan tabatin sr. Joop Daalmeijer, kende ta presidente di “Raad voor Cultuur” na Hulanda. E publico presenta a reaccion sumamente positivo ariba e iniciativa di

Cas di Aruba pa tene un presentacionnan relaciona cu Papiamento. A base di esaki lo pensa pa a corto plaso bolbe organisa un encuentro special riba tereno di literatura na Papiamento.

Sr. Danderé a obtene su grado di Magistrado den Linguistica (mag. ling.) y ta traha incansablemente pa e reconocimiento di nos Papiamento. □